



Samningur

Vegagerðin, kt. 680269-2899 og Samtök sveitarfélaga á höfuðborgarsvæðinu, (SSH), kt. 681077-0819, gera með sér eftirfarandi samning um samstarf við tæknilegan undirbúning fyrstu borgarlínuframkvæmda á höfuðborgarsvæðinu.

1.gr.

Forsaga

Vegagerðin og SSH hafa átt samstarf um þróun Borgarlínu og annarra samgöngukerfa á grundvelli samkomulag frá 17. apríl 2015. Afurð þess samstarfs er tekin saman í tillögum verkefnahóps Samgöngu- og sveitarstjórnarráðherra og SSH sem birtar voru í lok nóvember 2018 og skiluðu sér í samgönguáætlun 2019 - 2023.

Í fimm ára samgönguáætlun er gert ráð fyrir SSH og Vegagerðin skipti með sér kostnaði vegna undirbúningsvinnunar. Þannig hefur Vegagerðin svigrúm til að verja allt að 300 millj. kr í undirbúningsvinnu vegna Borgarlínu árið 2019, og 500 millj.kr á árinu 2020. Áskilið er að sveitarfélögin á höfuðborgarsvæðinu leggi tilsvarendi fjármuni til verkefnisins. Sveitarfélögin hafa skuldbundið sig til þess með sérstöku samkomulagi dags. xxxxxx.

2.gr.

Markmið

Markmið samkomulagsins er að setja af stað verkefni um að tryggja farsælan undirbúning fyrstu framkvæmda Borgarlínu. Í því felst að ljúka forhönnun, aðlögun leiðakerfis, skipulagsvinnu og gerð umhverfismats þannig að hægt verði að hefja 2. áfanga undirbúnings þ.e. verkhönnun og gerð útboðsgagna.

3.gr.

Umfang

Áætlað er að skipulagi, frumdrögum, forhönnun og umhverfismati verði að mestu lokið um mitt ár 2020 og verja þurfi 600 millj. kr. til að leiða það til lykta. Sjá nánar fylgiskjal 1 og 2.

Samhliða að unnið sé að undirbúningi mun ríki og sveitarfélög vinna að nauðsynlegum fjárhagslegum undirbúningi fyrir framkvæmdir sbr. ákvæði í samgönguáætlun 2019-2023.

4.gr.

Skyldur SSH

SSH mun annast annast verkefnalega og fjárhagslega umsjón verkefnisins. SSH mun leggja verkefninu til starfsaðstöðu og nauðsynlega stoðþjónustu sem snertir fjársýslu, bókhald og skjalavistun.

Verkefni SSH er eftirfarandi:

1. Dagleg verkefnastjórnun og umsýsla vegna verkefnateymis og aðkeyptrar ráðgjafar.
2. Mánaðarleg framvindulýsing m.t.t. fyrirbyggjandi verk- og tímaáætlun.
3. Reglulegt reikningshald og endurskoðað uppgjör verkefnisins.
4. Skjölun og vistun verkefnisgagna.
5. Utanumhald á heimasíðu verkefnisins.

Verkefnastjórnun skv. samningi þessum sem innt er af hendi af hálfu SSH skal vera í höndum svæðisskipulagsstjóra SSH.

SSH skal, mánaðarlega, gefa út reikning miðað við verkefnisáætlun og framvindu verkefnisins. Fyrir liggur í fylgiskjali 3 greiðsluáætlun til viðmiðunar eins og hún liggur fyrir við undirritun samnings.

5. gr.

Skyldur Vegagerðarinnar

Vegagerðin skal greiða sinn hluta af kostnaði miðað við verkefnaáætlun og framvindu. Greiða skal fyrir vinnuna mánaðarlega á grundvelli útgefins reiknings og skal greiðsla innt af hendi innan 5 daga. Öllum reikningum skulu fylgja afrit af reikningum og tímaskýrslur verkefnateymis.

1. Vegagerðin leggur til samgönguverkfræðing í verkefnateymi.
2. Vegagerðin leggur til sérþekkingu í útboðsmálum og heldur utan um öll útboðsferli á verkefnistímanum.
3. Vegagerðin leggur til bráðabirgðaaðstöðu fyrir verkefnisteymi í upphaf verkefnisins eða þar til aðstaða hjá SSH verður tilbúin.

6. gr.

Umgjörð

Stjórnskipulag verkefnisins er sett fram í fylgiskjali 4. Helstu starfseiningar eru:

1. Stýrihópur sem eigendur verkefnisins, ríki og sveitarfélög skipa. Stýrihópnum er ætlað að tryggja sterkt eignarhald verkefnisins. Stýrihópur tekur lykil ákvarðanir er varða verkefnið í upphafi og fylgist með framvindu þess.
2. Framkvæmdastjórn verkefnisins skipa framkvæmdastjóri SSH og forstjóri Vegagerðarinnar. Framkvæmdastjórn er ætlað að tryggja farsæla framvindu verkefnisins og leysa mál sem upp koma og snerta ekki lykil ákvarðanir.
3. Verkefnastjóri fer með daglegan rekstur verkefnisins, heldur utan um verkefnateymið og sér um nauðsynlegt upplýsingastreymi til framkvæmdastjórnar og stýrihóps.
4. Verkefnahópur skipaður lykilstarfsmönnum sveitarfélaga og Vegagerðar er verkefnastjóra og verkefnateymi til ráðgjafar við mótun einstakra verkþátta og tilnefnir fulltrúa í tilfallandi starfshópa.

7.gr

Fyrirvari

Fyrirvari er gerður á framlagi sveitarfélaga (500 millj. kr) er varðar 2. áfanga undirbúnings (verkhönnun útboð) náist ekki samkomulag milli ríkis og sveitarfélaga um uppbyggingu samgangna á höfuðborgarsvæðinu til ársins 2033. Sjá fylgiskjal 2.

8. gr.

Undirritun og gildistaka

Samningur þessi gildir frá xx.xx 2019 til 31. desember 2020.

Kópavogi, / 2019

F.h SSH

F.h. Vegagerðarinnar

Meðfylgjandi og hluti af samningi þessum:

- | | |
|--------------|---|
| Fylgiskjal 1 | Frumkostnaðaráætlun og verkefnisáætlun fyrra hluta verkefnis. |
| Fylgiskjal 2 | Yfirlitsáætlun þeirra verkefna sem samningurinn nær til. |
| Fylgiskjal 3 | Greiðsluáætlun Vegagerðarinnar og SSH. |
| Fylgiskjal 4 | Stjórnskipulag verkefnisins. |